

**MO TE PATU I TE KARAKIA.**

**H**E tohutohu enei ki nga tangata katoa e biabiahia ana kia mate te karakia. E te whanau ki te aru koutou i aku whakahaunga e kore e roa kua hemo te whakapono o te pahira.

1. Ki te tangi te pere karakia, kia kaha te rapu take e kore ai koe e tac ki te karakia. Me ki koe he maku, he paru no te huarahi, he mate moe ranei nou.

2. Ki te haere koe ki te karakia kia mutu noa atu te tangi o te pere ka haere ai, kia tarawa atu ai koe kua tata te mutu.

3. Kua e mauria he pukapuka, kia korero pukapuka ai, kia waiata ai etahi ka noho-puku ke ana.

4. Ka noho, kia tau rawa taha ki raro, kua e noho po-pou, engari me whakawhirimaki; ka tu etahi ki runga, ka whakawhirimaki tonu koe na, wharoro rawa. Mehemea he paraikete tou katahi ka tu o pa rawa, ka noho tonu te tac mai o te moe ki a koe, a tac rawa ake ki te kawhau kai te ngomoro i a koe na.

5. Ki te kore koe e tupono ki te moe, me korero koe i te nupapa i etahi atu pukapuka ranei; ko nga wabine he tamariki pukapuka a ratou me matakiaki ki a ratou tamariki.

6. Ki te roa rawa te karakia, me hanumutu to waha, me tuaharoa, me ngetengete ranei, a mehemea kei te whare maori te karakia, kia tere tonu te takiri i te maati hei woakau i to paipa i muri tata tonu iho o te 'Aniue' whakamatunga.

7. Ko te ahua i te wa o te karakia, me ngakaukore, kua e titiro ki te kai-karakia, engari kia ngoikore te ahua.

8. Ki te tomo koe ki te whare karakia me whakaoro koe he tino honore nui tera ki te minita, ki te Atua; i te mea tonu e tomo ana ki roto o te whare karakia. Ma etahi atu te karakia. He iti ia nei te tomokanga ki roto ki te whare karakia?

9. Mehemea he ohaoha, kua rawa e hoatu e koe he pene kotahi, waiho tau mea hereni hei hoko poro tupeka mo te paipa, hei mea whakamakuku ranei mo to korokoro.

10. I te wa o te karakia, me puta ke o whakaaro ki te ao katoa haere ai; kia manawamui tonu me te mea nei e patua ana koe; i te mutunga o te karakia kia hari, kia takaki, kia ka-

kama, me te mea nei kua taka atu tetahi pika unga taimaha runga i to tuara.

11. Kua rawa e awihina i te minita.

12. Korerotia nga he o te minita, ona hauatanga, te reka kino ranei o tona kauwhau.

13. Kua rawa e tango i te Hapa a te Ariki, waiho atu ki nga koroua ki nga kuia tena whakaaro, ko ratou anake hoki te hunga he wairua o ratou.

Ki te rongu koutou ki aku kupu, ka kino ta ratou nei haere!

Hcoi ano,

Na Nehe Hatana.

**PITOPITO KORERO.**

**I** TE unga mai o te Piritaniki ki Poneke me nga hoia i runga i hoki mai i Awhe-rika, kitea ana kua pangia a Waata Karawe e te mate koroputaputa ara e te smallpox. He awhekaihe tenei tangata no Hauraki. I haere ia i te Ope Tuatahi, i te Ope Tuawhiti, i te Ope Tuaiwa. He rewbeteneti ia inaianei.

Hei te 30 o nga ra o tenei marama hoki mai ai nga hoia o Niu Tiren i Ingarangi ma runga i a te Tongariro. I te po waiata a Pa-ne Poata (Mrs. Howie) ka waiata ratou, nui atu te whakamihii o te pakeha. Ka taia ano he reta mai a Henare Kohere a tera marama.

**AITUA NUI KI AHITEREIRIA.**

**K**AORE ano kia mataotao noa nga rongu o te pakarutanga o Matiniki, kei te hu tonu a Maunga Perii, ka pakaru te rua waro ki tetahi taone e tata ana ki Poihakena. Te ingoa o te rua waro ko Maunga Kemepara. E rima maero te toronga o nga rua i roto i te kopu o te whenua, e 250 nga tangata i roto e mahi ana. Te rongonga o te tangata ka paku puta ana ki runga ki te waha, pakaru atu hoki nga whare o waho me nga tima, ka puta te pawa me te kaahi. Ko nga tangata i raro i rongu i te ngaruatanga, i tiri nga taringa ko etahi kaore i mohio he aha ranei. Rite tonu te omanga ki waho ko etahi i puta, ko etahi i puta haurangi i te nui o te kaahi, ko nga mea i tupono ki te wahi i pakaru ai i mate katoa, ko te nuinga i tanumia tonutia atu ki roto. He ona atu kua horomai ia a mua, heoi ka